

聖宋名賢五百家播芳大全文粹

二十四

聖宋名賢五百家播芳大全文粹卷第五十

疊幅

憲使

上提刑小簡

晁子西

伏省旌節按行廵屬當此盛夏敢問跋涉不至勞乎恭惟褰帷問俗神明嘉相風伯獻涼不知煩暑台候動止万福某敬遣一介以候車塵

某聞諸部內之民思仰盛德朝夕願見不啻當暑而思濯清風忽聞使輅近止上下延頸以望不勝喁喁

此月正是土潤溽暑之時居爽塏者尤病煩熱伏聞輜車犯此炎天慮有淹軼不蓋仁人之用心闔境歎息不知以報惟冀戴星而行日出而舍以避道暘不勝拳拳之請

公迂踈不勝一郡之寄而復視事日淺州綱頽壞多矣遽承節下按臨爲之悸恐更望公慈有以教其未達而寬其不逮幸甚

上憲使小簡

叙慶如右牘獻歲發春迹日寢只何似共想茂對佳辰天相清德福祿來臻公蒙仁有素得追吏議未期參省願言保練粹和亟還禁從用快朝僉頌禱之勤伏紙卷二

不承台誨忽見新春瞻溯光輝日益怡悵比僭具記計塵几格恩瀆之罪未賜譴斥引領東望不勝感荷

伏念門生故吏所以事貴事賢之禮載於華牘乃分之宜鉅公要人未聞与之往返講好若僚友然也過蒙謙尊畧去畦畛誨荅開諭周旋跪讀感慚曷已尚稽面謝无任歸依

小往大來君子道長仰惟吉履綽有休嘉一官冗曹阻陪賀客千百善頌拙喻毫楮

春光布澤明天子擢進髦乂時也時望之備首當遼東徑踐華貫匪朝伊夕以其彙征門下士尤有望焉區區此情切爲之喜

江賊就擒幾无唯類威令素行群下用命其效政應如此繼自茲善良得所恬恃而庸懦亦自免官謗顧喜且幸可勝道哉感刻

上提刑小簡

林 豈塵

詞候寢蓑良敬遵彝式具列首牘比辰春事融悅化日舒遲不審
台用何似切惟澄清豐暇神養人詠冲襟泰定戩穀日隆尚願
仰躬宸睇茵鼎慈護倚需賜環進陟鈞軸下情真禱激初之至
公夙望公符自惟卑昧无由進侍光躔朝夕第勤景仰茲以試
邑獲隸部封遂託輝映戢守所拘尚阻參觀遠企焚煌精爽飛越
恭以公官雄名蓋代俊德高古雖爲禁路羽儀南宮眉目文章
事業未極施用上方以外臺爲重皇華之遣政藉諏訪而埋輪
攬轡姑借威奮行需走節趣覲清拱遂膺柄用以福寰海

公羞抗鹿裘掌徭山邑初至承前未知深淺然薄書言米鹽不
憚煩碎百里休戚首當訪問至於奉遵科教班揚明令敢不期
龜勉以承德意猶懼駑蹇未遠尚賴寬假轡東庶幾駘馳竭
力不至顛擠以速咎矣密控慈明敢斬宥啓

公竿牘效知深虞簡率上貽嚴譴晚季寡聞初不敢揚文露
志輒以短啓略叙卑僚仰瀆高明戰慄俟罪敢幾台慈特賜
省覽

公十六年太李丞鹽晚切一第今一紀矣茲以試宰山澗未免
墻面之責所幸事大君子敬受警悔庶幾讀書鳴絃不爲俗
吏之歸尚祈清鑒特与矜念

上提刑小簡

邵 公濟

比日秋清共惟弭節之初德威所臨百城震聳公口候起居万福
公待罪敝邑无從掃舍人之門上參典謁益冀爲国以道自重
公之結上眷与上之遇公者大夫士共歎千載一時之事不知其
有所自也公獨知之益以公高奉遠引不少留翰墨深嚴之地
悵然耳巴渝舊所治亦舊所隱使華重臨人士榮之頗有暇日追
尋昔遊見於文字否何當往繼後車賓交足塵臨書重增馳向
龍茶松煤佳品獨恨宝丹妙香新勝不同下拜也此外不敢望公
如陸生以所賜黃金分故人耳一笑皇極書數十方言未易卜觀

物二篇先君子爲之傳并褒德下惑二書同致凡下尚先君子之意也悲愴何言向伯壽所訪亦此書耳公苦顛眩極亡聊作記草草思所以廣公意者未及万一

舍君使

上提舉小簡

賀生日

北律將周嚴冰在候共惟廉畫優間天神飲相台候與居万福公代置偏城仰切懷復未絲叅侍謹勒手誠申候典記
裁問彛儀恪具前楮比辰不審公辰復奚若欽想澄按公明百靈潛衛穰二之福萃集駢臻更祈精調鼎祚前席峻除式符中外之望

臘月逾中歲功將就天於此時誕毓人傑神湛秋水膏塗皓玉卓然爲民望時宗寶元精之所生華岳之所誕且其叶應期運茂建勳庸祿位之崇壽祺之永固自有穹壘密祐非假區二之祝也公官圭璋而質梁棟標奇雅性內融英華外發故能結知黃屋存歷要途暫屈外臺益揚德文旣誕辰之已屆宜寵命之惟新召寘楮堂當在朝夕于情若此非公敢私

仰惟孤矢令辰有識交慶列城官吏士民孰不以八千之春秋祝延遐弄想夫袖戔獻竿袂厲肩摩公以郡事攸拘阻趨賓庶輒具短啓并星香經目專公具具公足延以伸傾頌之誠伏覲仁明俯垂照察

某切祿都染兩見凝臘雖谿徭之境綏靖惟艱而仰賴庇輝粗加黽勉幸兆吏責切靳厚德包公禪益安於愚拙實效始全庇之賜感戴瞻依伏楮弥甚

上提鹽小簡

叙問具如右幅庚伏謹時共惟視事以來燕及列城神明相佑百順來集公襄晚冒昧方此承乏未由叩謁謹上狀叙奉二之誠率畧幸察

已酉之秋与左右南北異向比訪動靜於彥章謂將自此取道之

官庶幾一見延佇之久乃尔老池下情豈勝瞻悵暑氣方熾敢
冀調護與居茂對寵休以符頌禱

比承消辰已諧交印獨以阻闊無從預賀履屐之末北望馳情但徒
燕雀之抃

武康令莊修職之妻之姪也廉謹公勤在後生輩流中實不易得
欲望端叔察其治行以一京狀薦之如何使司歲額沛然又有前
使者文字可以補發惟早賜收錄則幸也恃有一日之雅輒冒言
之伏紙愧恐

上提奉小簡

賀冬

冬氣正中朔風凝凜共惟總鎮雄藩澄畫復游天人參介台候起
居万福公備員于此仰記云床尚稽啓拜謹具啟承候記史

申詞菲誠祇載右措不審还辰公履復奚似鈔惟豐財有道察奉
至明密有神靈來相純祉陽剛初復氣令弥寒敢祈上躰宸眷加
護寢養以副于人之

方五十

四

共惟公官儒猷飾吏忠旣光朝蚤歷清華備揚声實暫出司
於臺計誠未究於淵謀且因剛長之辰亟奉温明之詔峻躋禁從
俯協師言公仰席息輝尤勤願望

亞歲屆期一元肇即群情膏悅万彙潜亨共惟碩德對時誕延
殊祉椿萐鶴弄仰同社稷之休公以賤守拘縻无由趨厠稱觴
之列輒修短啓以代慶儀傾祝之誠筆端奚旣

其碌云奇徒勞小郡實賴台仁寬假苟追曠尤雖感懷德詎
罔間夙宵然不敢頻貢尺書以溷聽禁茲因今序輒布區區仰冀
高明特加矜察

與提奉小簡

孫仲益

風橋碎去忽二又見歲窮雖係心門下而不敢馳書問安否屬聞
造境方叙區區欣頌之私又為左右所先高詞見寵開讀竦然殆
无以為容也

自承拜即少駐一時賓從皆有登龍之喜顧以衰老不獲躬掃門

之役恃公寬貸必諒此意而於鈞廢禮不自逞也

歸田四年屏伏村舍遇寒暑之變无以逃比從金屋築三間以寄
衰朽而百役如毛心力俱尽但悵然作甕中之想亦發公一大笑也
太守

上汪內翰小簡

韓子蒼

即日不審風霜偃薄起居食飲何如伏惟躬有盛德神明扶持旌
旂所次皆膺百福謹勒手記候問行李万分

伏承肅膺詔命改刺臨川臨川雖褊地連鄱陽此与前輩畫錦之
榮亦何以異且謝康樂顏平原之風流未遠也非文章守尚孰繼
之然北門承旨今无復人矣二府亦有虛位恐復由宣召入轉缺
鈞此天下之公言伏冀爲國加旆寢興不勝區區之願

△從文字者得執事之文章手抄口誦目眩心驚如是二十年矣每
逢士大夫親承指教及獲奉杖屨者輒自愧恨不謂老境得与州
民瞻望顏色凡二十年企慕弗獲者一朝慰滿其意人之幸會乃
有如此欽行使麾頃刻以冀

△受才无它世間一閑物耳入仕既晚又常齟齬在官之日淺投
閑之日多已分委棄爲農夫矣特以恋嫖廩粟故且垂紳搢
笏強顏於士大夫之列頃值紛紜伏藏岩谷流離困頓所欠一死
耳不然餘生誰復存省乃今天幸得在餘光喜極言踈伏幸加察

上太守小簡

林 山豈塵

詞候雍食寢敬遵彝儀具列首牘比辰歲律崢嶸冰霜凝厲
諒惟鈴閣優游神聽民悅冲襟泰定戩穀日隆尚願仰躡躡眷
眷茵鼎精護倚需而召環進陟鈞軸△下情真禱激切之至

△父違公且軌景慕之誠匪曠朝夕春中輒負軫積以干記曹政人
僭率自貽嚴譴豈圖謙撝略去寺夷貶賜教飭懷慚聚感何以
六喻區區守窮不敢嗣起居之間以取瀆尊之罪尚冀慈明洞達
特賜闊略行遂瞻拜台躔下情豈勝欣抃

△官以良二千石分守共理流惠舒化斯道之行當先一州而後

天下召節之來亟躋柄任中外薦紳所期於文章事業者此耳
虞鮑雖有故事而莆陽郡壁記去有三言自我州郡始公將與
邑人見鳳同鳴以賀然後以得賢為朝廷天下賀

上太守小簡

林 豈塵

詞侯籤師敬遵彝式具載右牘迹辰不審鈞履何侶即日春物
融怡和氣宣暢共惟天錫純嘏神介景福尚願鳴寢密護鼎鍊
精調仰承旒冕眷倚之重俯慰蒼紱祝頌之誠

共惟公官道得正傳天降大任布衣而置上衮畫錦以歸故鄉
暫輟經綸姑頌藩翰雖聖意欲均其勞逸然朝廷有係乎重輕行
膺綸綍寵還機軸益擴遠業光贊中興公當續丞民於高之雅
以歌頌勲德之万一

遠瞻若石仰跂台隱切惟起館開閣招延賢士禮貌若在相位公
守縣所拘未繇瞻拜拚幢以俟進退下情傾慕无任激切之至

上太守小簡

張 安國

仲春之月即日共惟偃藩之暇豈弟宜民神之聽之台候動止万
福公謹具狀申問記史伏惟財察

起居常儀布在空牘即乞上律天時俯遵月令浩養冲粹茂迎
純嘏以慰士民千里之志

切以公官蚤歷華貫為海內名士踐揚中外勲闕其盛方面之寄
畀付重矣上方鼎新治矩尊用耆賢文仰如執事德業地望亟以入
陪帷幄蒼莖表國論飛詔趣歸可拱而俟也

奔走執事盛名之下舊矣閑散之跡留落湖海曾未獲接武于門
叨備賓客之後塵惟是慕用名詎拳拳於此不敢自弃也惟執
事尚教誨收憐之歷陽地偏訟簡溪山之勝魚稻之饒為田昔西
州佳处中朝名煇才大夫往二厭直承明重外之寄以清談坐嘯
臨治之中和宣布發為声詩播之樂府為世美談自頃倣擬于
茲二紀而蕪城未其葺曠土未全耕蓋因循之治亦有可恨者惟
執事器識靖深才猷通濟開藩未經時綽有文言外適此帑廩虛

竭官治紛拏之餘曾无一毫之歛橫及問里爲清靜之化民皆樂之得賢之效其速如此幸甚

茲者執事布政之初修桑梓必恭之禮於祭戰之下偶自前月爲浙右之行比方還自四明息肩材落而夾蹇之餘驚塊悅恍病骨尪瘠未即造前少須安妥謹卜營侍仰惟台慈俯賜矜念

與太守小簡

張安國

中冬之月共惟開府之初神相吉德台候万福疇昔欽鄉盛名又託年家之契願見久矣昨者旌麾來朝才幸一接有懷未及即日別去悵仰何窮東望軍牙尤切卷二

四明今爲輔郡選用非輕執事以天文之秀茂膺寄託上意隆矣政成來報亟當召還延佇延佇

頃寓居鄞郭餘十年王母馮夫人歿葬西山皇妣孫夫人以婦從姑而世父待制公季父莆田丞公以子從母皆葬其下故家視四明猶鄉里執事以慈惠之師有來作牧布宣德意使田野按堵民物康阜則死者有知抑將滲漉膏澤安於地下惟公念之

蒙貺兩歲禮文過厚非所宜得蒙愧不能已屬方奉陪郊禋浹日鮮暇未遑作荅尚當續致

歐公書豈惟翰墨之精而醇嚴義正千載之下見者興起公何足以辱公此賜也哉而又先正所藏印色尤新輟公秘笈尤所懷感

上太守小簡

元具司令寒氣弥嚴共惟卧護優閒明靈叶衛台候燕與万福公鄙陋微蹤日依履庇尚稽趨拜墀廡謹勒柔牘冒塵焚席

修詞茵鼎之誠僭具右楮即辰未審台履復復何如欽惟政平民詠美化益新宥有神天來介繁祉霜飈愈勁凝稟應時敢祈茂躋眷隆厚加頤衛別雁力拜下副士夫之望

共惟公官以忠誠結主知以豈弟牧民俗事親純孝接下人和其言行猷爲表率皆過人遠甚是以下車數月績文言遠揚佇聆明詔入贊岩廊以展經綸之業屬邑下士祈願尤深

公疵賤小官比因走塵蒙公皆獲侍軌誨深尉傾企之惊伏恭承寬仁厚賜寵待又頒特遺之隆誠非屬吏所宜當者公感服恩憐夙夜在念尺牘寸管難究謝誠

公違去之久修經句浹瞻依慕恋之情无日少替方圖齋沐以伸記府之問廼辱公慈先損珍翰仰認容愛之宏既感且愧不敏之咎更丐原恕

公伏領台戒以朝旨搜訪晉唐墨跡及善本書畫藉俯委尋微廣搜邑境公欽稟諄誨已徧託士人多方尋訪實不敢徒爲虛報佇願得之別具申覆伏乞煥察

公寒薄迂愚苟祿代置愧无毫末之補每荷盛德包荒獲免汰斥獨恨有正宰司使冗僚趁事之日淺耳然願入不以實斯它日則承恩佩德尤未晚也依懇之衷更冀矜照

台閣宝眷伏惟中表俱擁殊禧

支邑別有驅委乞賜台旨誓圖報效之方

上太守小簡

蕤賓紀節氣候梅蒸共惟優渥多暇明神攸介台候興歎万福人愚鄙具負益蒙德廕未獲瞻望日墀謹勒手啟呈于典記仰詞獲養社之儀州載右牘迹日不審台况何似欽想化深恩洽天祐民懷戩穀之來日加繁衍當洽蘭角黍之時炎敵漸熾敢豈勉承眷渥厚衛鼎茵亟登近密下尉卑悰之願

公官以周召申甫之才行龍龔黃召杜之政德風惠澤徧浹黎氓最課已晝宸知愈厚佇觀召還廊廟熙載奮庸以康濟四方蕃宣之寄非久淹也

自故臘拜違台光忽見中夏雖依歸慕仰之心靡日不在屏思而格遵教條粗修微職恨无可假以造府庭瞻望旌戟邈若雲漢伏楮凝恋神爽飛越

公踈迹几下雖荷台仁包文不加鄙弃而每霄壤分殊莫敢頻貢柔訥以瀆威重然間有申懇列之犬只狀未嘗不蒙矜照俯從以

是知大人君子寬宏逮下察其誠而略其禮感悚之私交積方寸
毫楮綫、曷罄愚衷

上太守小簡 賀進秩

薰風謹候炎氣浸隆伏惟卧鎮餘間天相人詠台候起居方福
公竊食无補仰荷悃悞尚稽瞻拜履為謹具尺牘申詞記府

申候典籤恪載前幅未審迹辰德候復奚若緬惟政治弥新慶
休駢集畏景日加敢祝仰懷躰貌妙葆粹真前即環召式副士鄉
之論

公官緼德業义大之資當運祚隆因之日暫綬外鎮綽著休聲
進陟樞機諒當指日攀附鱗翼預切卑情

茲者恭聆光奉煥息峻躋高秩見聞所暨鼓弄惟均公以賤事奔
走未獲趨慶公屏謹裁短啟實實在別絃以輸雀躍之誠仰乞深仁
俯垂省察

去遠儀宇之文日文見鄙文之萌恨未克走侍爨席徒勤山仰比

嘗冒負愚訥審已塵玷足無下情不勝榮幸區、依恋之私非言
可既

某器劣識卑不通世務自承之下邑日虞曠在仰蒙公官啟其孤
貧而恕其不逮周旋覆露遂獲安職年餘可期善替公闔族銘
佩厚息罔知紀極更冀始終憐念禱永承於鴻造至禱至願

上太守小簡

天宇明爽伏惟晝諾之暇荷愛神勞台候起居方福公又託雲庇
未期參侍仰乞上躰眷懷倍保嚴重謹具啟系承

上問恩寢已布前記不審比來台躰何似仰惟含德弥厚福祿繁
衍秋序向高更冀善輔粹和晉膺寵召以副紳綬之係

公伏審光奉宸綸陞華書殿公議育協共惟公官清節孤忠凜、
為措紳表頃居紀綱地危言勁氣上動冕旒今茲擁蕃宣之寄政

範休聲洋溢中外是宜有此葆擢拘牽无由稱賀伏雀躍之情倍
百稠品

伏承聖恩優異中間或傳抗章力辭未即拜命以故修慶後時
罪涉稽怠无以自明尚恃公亮察其匪他尤以為幸

尺牘之問又不徹於麾席非敢僣褻第以人微位卑數、坐通柔
訥恐貽瀆尊之誚故援毫而輟者屢矣至於引領焚輝如渴念
飲未能一償所願何當趨伏下風庶扣台誨之一二臨楮怡懽
今歲境內雨暘應時嘉種繁殖有秋之慶夫復何疑春夏間雖
粒估差昂而民不告病善良按堵茲固豈第宜民鎮撫有方所以
千里蒙福日用而不知也然郡小地褊未足回旅行將入告嘉猷
均惠海宇遲暮之人寔夙夜以冀

上太守小簡

秋氣漸涼伏惟坐嘯黃堂天人叶相台候連止万福公仰棲巨庇
未繇參覲伏乞上為宗祐倍保台重謹奉狀申候獲養寢
共審光耀帝命暫領專城伏惟下車以來神民胥悅百順駢臻公
稍遠旌麾未遂鳧趨稱賀伏冀公日慈特垂矜察

五十一

頃年在雲川嘗瞻公去足範遠離屢屢易星霜趨仰拳、自後雲
鵬蓬鷄吉迹易遠豈謂侍御暫辭白筆來擁彤襜而公乃辱
在部封之下其為欣幸倍越等倫

恭以其官才高德重為時偉人頃聞抗章力丐外補仰惟英風義
槩足以律貪革汙况朝家政欲澄源百執如侍御操履端方不畏
強禦自當峻陟中司使朝廷尊嚴願此遠服豈能久留佇聆迅
召以安輿論

上太守小簡

季夏酷熱伏惟辦嚴曲晷神相靖共公候動止万福公仰藉輝
潤行遂參拜下情无任傾溯謹奉啓上承雍養寢
候問因居謹實竊儀比辰不審台履復何如炎氣正隆敢乞節宣
時令謹護茵鼎倚瀕不次之擢伏楮謹禱

伏審光耀綸綍榮領郡符共惟惟慶公沉迷朱墨日不暇給不
果旨時修貢賀幅罪涉簡幅愧負无以自容尚冀台慈矜恕

仰惟公官才華夙著時望旣歸雖踐更膺仕而筮鋪大業未遂發
揮今茲遠服政恐未及一車而玉節促召凌厲要途此輿論所期
非末僚之私情也

伏自遠遠台範荐更年懿傾仰之素寔積拳拳薄官僻左書
問不復仰塵記府舍乃辱在奔走之列望塵非遠預切欣抃

上太守小簡

賀正

僭仰慶禮謹如右番王春布暖即日台候何似共惟偃藩清豫神
明爲相對時受福獲食寢具且公苟祿小邦仰繫巨陰正賒參侍
祇重詠思敢乞惠時倍蓄冲理佇調鼎鼎庸副具瞻繼緒頌禱
言不盡意

引去麾戟屢更弦晦賤役缺掌不克時扣台屏乃情瞻慕炎金寐
以之何當密侍坐隅一聽驅策東鄉向涓系神爽飛馳

公竊食江濱日比悒悒之賜惟是汗簡所以將屬吏歸賴之勤者
宜相望於記室也而職在奔走母以洗尊自嫌坐此柔訥不敢數

五十一

十一

浣台聽雖高明曲推情恕顧如簡率之迹何握管及茲無論愧恐

三陽交泰万玉棣通惟時哲人滋對殊祉椒筵密迹趨賀无階引

領台閣第勤善頌

某官宿德雅望簡在淵衷留連符竹未快輿論履端之始賢以
類升竊揆要除旦暮可冀霈然霖霖雨以福蒼生是士大夫之公
願非公一人之私言也尚冀節宣慰茲傾禱

公不善製錦深曠四聞宏量有容少寬謹謹修所未至无負
矜憐伏正厚德享亮幸甚

蘭堂寶眷共惟均福新元壽筭人有千齡之祝也

上太守小簡

歲事更新共惟卧護名藩天人欽相台候動止万福公行即趨伏
祭戟以祈彥拜謹先具尺牘仰干記史之聽

月儀之敬虔列右楮迹辰霜色晴寒不審台履復何佀仰惟政成
訟簡千里生春自天降康時万時億更祈上躋簡記增益鼎茵嗣

聽促還以慰天下膏澤之望

仰惟公官行美而識遠望博而用宏自早被於眷知即荐更於委寄固宜入陪禁橐日罄論思而乃歛大惠於一州殊未足以究所蘊然上方循名責實是奉行神雀五鳳故事有如治最豈又於外佇膺前賈之思即慶徵黃之寵此公議所在非下邑小吏趨事之初輒薦容悅於門下也

公早從縉紳先生遊竊服台望非一日矣執絕雲泥无階一伸望履之敬若瞻斗仰徒劇此心茲者天假其便得以屬吏仰被約束其爲欣幸豈勝名言何當即遂進望光儀以快疇昔臨風仰德心如川流

上太守小簡 賀正

王正謹始共惟坐鎮侯藩明神欽相台候動止万福公遐啓戟祭无階望履謹具柔訥仰申記府之問

紀時祇詞虔列右記还辰陽和布令不審台履何以仰惟擁幡南国与物爲春茂對昌辰戩穀時万更祈密稽天令養福尊生佇聽賜環以慰中外之望

公官雍容和緩而發之以義剛毅果斷而濟之以仁故見於爲政寬不失之弛而猛不至於暴使斯民善有所怙而惡有所懼千里之內熙熙然日安於中和之化公之所以德此邦者盖云窮矣今茲履端之始孰不相与鼓弄祈祝願天報以福而長爲吾民之庇然此特邦人之私也所以祈公者未大况節屆三陽在易爲泰盖内健而外順當與不日促還進秉鈞軸使天下均被其賜則公施設可見矣有識所祈非敢爲佞

聖宋名賢五百家播芳大全文粹卷第五十

聖宋名賢五百家播芳大全文粹卷第五十一

疊幅

通判

簽判

教官

諸司幹官

上通判小簡

王春正月即辰共惟行旆舒徐神扶斯文台低動止万福某三沐
三薰敬裁尺牘申玷典籤

寒暄申問已布左方不審迹辰台用何似仰惟坐觀物理與道偕
行靈府虛明百嘉來舍春序向和更祈上律天時俯遵月令寶
練粹和茂膺龍光某无任珍禱

伏審恭承帝命榮倅侯藩凡託忻懽舉增欣抃某忝以屬吏即
遂道左迎謁謹先具柔訥敬申燕賀之誠伏惟煥察

共惟某官踐履醇懿追配古人學問洪深度越今世爲文非道
不言橫放絕塵蓋其餘事上方登用賢俊石渠金馬首當問津展
驥治中輿議拂然伏惟明詔擢除近在旦夕區區賀誠泚筆以俟
某奔走執事盛名之下非一朝夕末學孤進无緣瞻拜光塵惟是
尊仰道誼拳拳於此不敢自弃茲承鼎臨大府贊貳邦條某
幸預屬吏之末承顏色奉教誨有日矣私心尉喜何可比量勿
匆布叙莫究万一

某學不聞道謬當邑寄纏困朱墨迄无善狀曠敗之虞旦日甚
負惟厚德君子尚教誨收憐之俾免于戾幸幸甚甚某瞻望門
墻无任依恋之至

僭越申問台閔仙眷伏惟百福攸同下邑恐有使令拱聽要束

上通判小簡

仲秋謹時伏惟貳政雄藩閔決多暇天祐神相台候動止万福某
瞻望台堦行遂趨承之幸下情預切欣抃謹具啓仰候起居

申候常儀已具右幅維時秋律浸清商飈向肅伏惟退聽餘聞神
相盛德養漑粹和福嘏增固更祈益調茵鼎前需召節下情祝
頌但切拳拳

某晚進寒生佩服名德令譽之乂无從一拜復約唯是景仰不勝

拳切茲者天幸遂以孤蹤得託庶庇遵奉約束雖未能斂板墀
墀仰瞻光範而夙昔嚮慕之勤已渙然冰釋矣何慰如之

其官業懷康濟志在經綸粹然圭璧之姿允矣廊廟之具尚遲
大用暫貳雄藩行雁浴最之褒亟被清華之選當據孝經緼茂集
殊勳僉論所期可拱而俟

其庸瑣常流叨塵仕板再調銓部獲司理曹猥以尋陋得事高明
之下幸可言耶尚須面奉規繩式遵軌轍庶逃康曠全以始終
魯情不勝至願

其不量踈繆輒裁小放少叙獲託悒悒之幸鄙僻陋句冒瀆台
重得賜容貸不勝幸甚

上通判小簡 賀正

勾芒司令寒氣未闌共惟貳撫間暇明靈叶衛台候燕興万福
其寒晚微蹤益叨幪覆復尚遙趨拜墀庶謹具手啓上瀕記曹

謹時修問之儀祇具彝禮未審近辰德履復何如欽惟佐政中

和聲華日邵休祥駢集密有扶持春序肇開更祈惠時珍毓
前席密召

其官厚德鎮浮傑才拔萃暫勞別乘未厭輿評豈敢專泰之辰
佇聞進登朝著茂建勳庸誦詠之深實非私臆

人元紀候万彙浸榮共惟其官順迎嘉祉休慶弥新其以攝事
有拘阻瞻台席輒馳尺牘少代獻觴傾頌之勤言莫能既

去冬以微職趨稟幸獲登侍台光深慰頌亦之誠過荷眷誨尤
極銘感再遠儀矩又復幾月豈勝山仰之私賤事倥傯未獲修貢

尺牘便介之來先辱台翰益服謙厚之宏悚戴何已不敢別具謝
幅切覲如祭

其疎愚頑拙仰託德履竊食備負無補涓毫日懷愧惕更望憐
其賤貧垂加全庇俾終追於愆尤實舉家之厚幸懇禱之情敢

祈同祭

通判小簡

承候興廢故遵彝式敢叙前稿歲律崢嶸冰霜嚴厲不審台履
何但諒惟閔決雍容冲襟泰定尚願茵鼎精護益綏福履倚需迅
召以陟華近其下情豈勝祝頌之至

某仰服台望閱歲滋久自惟寒微无繇進干典謁以奉光儀奉二
瞻慕良役甲棕茲以天幸叨宰山澗獲隸部封以備拍呼之役
趨覲伊迓預切忻榮

共惟某官碩德宏才蜚聲騰茂尚煩關決以屈遠圖公輔之量
不辭佩刀乃節之來昔俟駕屏星而行耶即登禁途以彰朝著
得賢之盛公論所屬非某敢諛

與通判小簡

叙問大略如右即日秋暑共惟關決之餘尊候乃福某蒙息方茲
承乏未由款門朔風不勝卷卷之懷謹勒參候

幸同土壤寅緣孝卿自是姻家薄官黜然未有侍坐聽言之幸
但劇跂仰暑氣未艾更冀調護茂對寵休以副區區之禱

某昨竊祠觀之祿竄伏湖山幾與世隔以故云從通一書之勤竭
來行在又復擾二竟先枉誨翰之辱禮數過當下情感戰云以

為喻

某官學問根本盖自家傳推其弃餘以貳邦政豈足以煩游刃
哉諒惟朝夕譽動冕旒必有晉擢以快輿望

某衰晚倦游又安閑放故冬牽強以來坐待汰斥而誤恩踵至
實出鄉黨平昔借助之素无緣占叙感激之私更勤慶問何
愧如之

上通判小簡

獻歲發春授時伊始伏惟貳政黃堂眉角茲穀旦台候動止万福
某備員无補仰託雲霓下情无任感著謹奉啟候問獲容寢

申賀之誠已布柔訥即展茂惟神介靖共戩穀敏集更祈精護
茵鼎妙用冲和即前不次之擢

去臘迹中伏奉台翰振衿祗讀佩服撝謙下情感激无垠諸需

望履幕下自罄鄙悃茲不復縷陳

上簽判小簡

仲秋謹時伏惟贊治雄藩婉畫多暇天人交相台候動止万福
某區區將遂趨承之幸謹具啓詞候起居

仰聞盛德美譽之及南北差池未遑望履復約而聆緒論下情傾迺
日益拳拳維時商律向中蕭辰正肅不審駢復何如伏惟幕府
雍容百神擁祐福祿來宜更乞益護襟靈節調茵鼎鼎曾宗願言
不勝虔扣

伏以某官謀猷宏遠識慮優長明哲保身忠嘉許國暫迂驥
足未嘗駕馬行方今任賢使能籲俊為急佇聞簡拔亟踐清華綸
綍之頒可拱而俟

上教授小簡

仲夏之月恭惟行軒趣駕靈祇左右台候動止万福某謹拜手

上狀仰塵記史

卷之八十一

方五十一

四

候承之敬已列右番亦辰炎燠方中不審起居復何似仰惟德業
有相畢來諸福更蘄順令谷神以竣峻召區區誠禱

講聞高誼歷年于茲芝字未識其於馳仰則往來于懷也夫何幸
會行遂依仁方欲修咫尺之間遠辱朋緘文辭璀璨褒譽過實
敬讀三復愧无德以當至意慰感倍之匆二具謝不謹併幾台亮
共惟某官志大而氣剛才全而德備文章特其餘事學術自為名
家榮中兩科一時歆艷便當展九万里垂天之翼曷煩小試於儒
宮上方夢想求賢清切之拜恐祇在日暮之間耳匪佞
某愚下省事繆當邑寄支弊扶顛其技已窮餘光覆之幸逃厥
咎區區下懷願疾其驅非徒快雲霧之披屏幾奉教下風以求通
其晦室儻蒙薰慈特賜與進万幸万幸

與教授小簡

即日初暑共惟戒嚴之暇神物擁祐台候動止万福 行有託庇
之幸謹具啓仰酬來明之寵

不審即日台用如何伏惟炎暑戒塗不无少勞神用然一葦可航之川朝發夕至更幾倍保崇重迎踐休祉不任願望

恭惟公官上庠第一流人學問文章譽望其侔毗陵士子皆相慶以為得師然恐席未煖而召節已在門矣公何幸得親見之前歲幸獲瞻拜儀矩一見傾蓋禮意勤渠至今感戴不云心今茲幸會遂得日親誨藥尉抃之懷豈勝言哉併容面叙

輒有短啓仰荅來賜願辭鄙義拙不能發揚乃一第深皇懼一讀置之乃幸

台閔仙眷共惟由中及外享福无窮

此間預有使令切望詳細下喻敢不尽心

與教授小簡

淨暑正熾伏惟趣裝良勞明神協相台候万福公行獲依承尚間伏覲加念鼎第以前召擢

自昨者一識芝宇距今許年雖間關契闊不相聞問然拳五盛德

自不能忘今者獲聯王事將有朝夕承教之幸其為尉喜何可比量匆匆布叙未究万一伏幾照亮

其官學識文彩藉二在人宜登臺閣羽儀鶴鷺屈臨泮水未可輿情然俾毗陵士子得所矜式日資博約底于成就亦矜佩之幸遇也會聞褒召即有亨踐區區系望

伏審光履宸綍榮領洋宮伏惟懽慶公未遑修致賀悃葦意薰仁亟沐誦函副以長牋之况佩服謙搗言之不尺輒復以短啓叙

謝伏幸過目

與教授小簡

秋律已尽不審辦嚴典長餘尊候何似伏惟神相令德坐擁繁祉未由省對敢冀為時加護養寢卑情勤頌

奔走英望之下久矣末路亡從叅際屬者津亭幸瞻履舄乃聞使舫端邁竟不果略叩緒言迨今遺恨鱣堂在自坐阻至前卑情

尤劇倦二

一昨睽間念欲附承起居而賤事无少隙方切坐愧竟蒙誨燼先
及不敏罪何所逃使介亟還馳報簡率併深震作賜登幸甚
承啓途有日想惟齋舫已入郭矣遂有曳裾候館之期豈勝欣抃

與教授小簡

貢問已具別啓獻歲發春恭惟吉德對時茂有休祉其竊食奉
親尚阻稱壽敢冀爲斯文加厚茵鼎以頌簡拔

間遠言面復歷許時前日因巡齋一到服膺緬懷疇昔從容之樂
祇自感歎到家而來使踵門抵以手書書辭華潤尉薦有拊溢
于累帛非獨風誼絕俗獲警衰懦而問學之富見於筆墨父子
兄弟捧觀至紙敝墨渝不能已已屬元日趨朝歸而人事紛二勉
作報狀未能如礼雖然使更稽留亦何緣能尽話也望寬其罪
平時士友皆謂壽基直諒多聞宜在論思風化之職不然代言西
掖發揮德意尤所優爲今且老矣陪都表師多士士友豈得无罪
哉沈和仲日相見邵叔承不輟書皆能言動靜未即面承臨問惋
悵而已

方五十一

文

兩辱惠書固荷高誼至於園緘疊幅若待賢且貴者最尔何以
堪之從遊二十餘年乃不以字呼我未省所以得罪者皇二恐二
去年秋初蒙恩兼職東宮日奉朝謁朝廷祭其隔城非便因許
對移國南荒薄何有每二叨冒皆自朋舊疇昔之私阻遠未由
展謝第劇慚荷

蒙分餉果實皆京師歲節所須者時哉時哉出藥以餉老母尤
佩至意值冗未有以爲報有愧而已

上提幹小簡

朱明戒候一氣清和共惟賓幕容與神示拱扶台候動止万福
謹奏記于下執事

遵月財緘已肅問幅不審近辰台用何似敬惟婉畫有相福祿駢
集更斲揆序慈齋天倪亟前不次之擢

伏承公官擇用剛辰已諧視象伏惟仙尉公官箴歲有守不克

詣賀謹申素訥布叙微誠伏冀矜察

公官詩禮家傳簪纓世績文章風采爲當代第一流人久矣踐揚固當躡躋華貫公幕外臺雖云畫諾所資未究底蘊第恐席未及溫即被召除區二州縣豈能久駐闊步耶不敢爲佞

公辱同里閉服膺備望非一朝夕念修桑梓必恭之禮出處差池願竟莫獲茲幸賢德鼎來忝隸屬邑所恨公之去替不遠趨承之日爲淺耳或能假事受約束於大府敬當走見以倒屣悰伏紙眷眷

某學子不聞道繆臨文邑云何去此迄无善狀旦旦凜然仰賴敦篤鄉誼周旋覆露不以罪行則爲賜大矣敢布腹心伏乞矜念

與諸司幹官

賀冬

裁賀之禮已具公式即日氣候凝寒伏惟贊畫優閒神人攸介尊候燕興萬福公備員偏郡密賴庇輝尚稽瞻對謹布啓承候亞歲屆期陽施陰化伏惟君子履之茂膺純祉公拘守郡寄躬慶未遑輒修緘封以見誠悃其爲禱頌毫楮難殫

公官名德並邵器識兼宏宜在要塗以彰素蘊暫淹畫幕未快輿情佇聞乘此亨時榮躋華貫式副願言之切

公非才代匱日借獎提雖感懷高誼造次不忘而因循倥偬久缺記室之問謹因修慶以叙郵情敢蘄煥察

與幕官小簡

初暑共推蓮幕宴間尊候萬福引望門墻未有參覲之幸不勝馳情謹上狀布執事

辭去忽見長夏離更事倥偬而仰止盛德未嘗少忘即日爲况如何公餘戲絲有足樂否暑氣浸可畏敢冀留意只寢以膺不次之除乃所願望

歲初伏奉誨翰爛然累紙佩荷不忘之眷豈勝下情念欲具報屈到官公冗迨今未能少休日復一日竟坐不敏高明有以寬照幸甚幸甚

桐川諸事如何高才淹留曹掾殊非所稱方急賢之朝旦夕定當
膺薦用也

與檢法小簡

維時孟夏共惟使幕雍容神示介相台候動止乃福公謹具柔訥
仰溷記史

申候起居不敢不肅近辰不審台用何似仰惟冲襟粹德宜介禧
祥更乞揆序慈審天倪亟前不次之召公忱請

伏審公官消用剛反已諧視事共惟懽慶公忝與僚屬之末礼合
候賀趣還下局坐是不果謹馳緘封以代面慶伏冀煥榮

公慕用賢德歷年于此茲幸啓敬尉浣尤劇別去光儀又復旬
浹西向拳拳何可頃忘尺楮寸毫言不勝叙

公官德履純誠器度凝遠踐揚之久故宜平步夷途雅快人望入
幕外臺雖云誠決所資未究底蘊居三何薦書上騰即被召除
區三州懸豈足以淹禁躅也不敢為佞

公庸繆曾下誤當邑寄歲歷月費三補公家雖去替之期僅止半
載若何為善後計茲幸仰依仁庇尚冀周旋履露不以罪行則受
門下之賜厚矣腹心是布頂踵知歸

縣官

上知縣小簡

交代

仲夏之月恭惟辦嚴容與神示攸相台候動止乃福公謹啓仰溷
典籤之史

詞問之礼敢至再三近辰梅雨靈潤不審台用何似冲襟盛德密
有扶持更勦上為朝家益厚持養遂登臺閣之華垂副忱請

佩服舉皇之隆積有歲年敬聞賢德屈臨邑寄於公辱在交承私
喜幸自語繼自今詎惟識荆仕契伊此權輿屬以賤職受約束于

大府適邂逅台表又獲爭先觀之快慶抃之私不能自言尺楮寸
毫莫究万一

某官圭璋稟質梁棟標奇學識文采今代第一流人久矣踐揚

當在清近百里豈為大賢之路尚從此來輿議拂然會當即有中
除鋒車迅召匪伊聞耳某何幸得親見之

某政拙催科迄無善狀昨幸為任兩基之制某於前歲八月十七
日交割職事全無告假補填去何終更願言早賜叱馭非惟獲奉
教約亟令去此無以罪行門下之賜厚矣區區敢冀矜念

台閣仙聚共惟履茲中夏內外駢擁日新之祉

此間豈無委喻事件直下恐欲人使令併巧要束

與知縣小簡

仲秋謹序共惟永流宣化愷悌靖共天人欣相台候動止萬福某
不晚將遂瞻際之幸謹先勒啟永候興寢

仰聞藉甚之譽望于縉紳之久願一拜英猷而參商未遂下情勤
向鑒寐不忘適辰秋律向中涼颺順序不審視履何以伏惟撫字
賢勞神明擁祐純嘏日增更新祈調護寢饋逢迎太和曾忭祝頌不
勝虔懇

方五十一

九

伏以其官襟量清夷器資宏博忠嘉貽厥世濟其美淹回百里未
究遠圖佇聞報政即奉綸音入聽華要以快輿言行將見之非敢
佞也

某連蹇孤蹤濫叨末第再注椽曹獲趨會府遂與賢明服聽王
事榮幸何多某赴官伊始承顏接綽指日可俟下情預切欣快

與知縣小簡

冬律凝慘伏惟胸轄餘暇神示呵護台候動止萬福某備負家免
皆庇之反豈不知感敬勒此以謝先施敢斷惠序珍毓天倪即前

峻乃

飲聞令望服膺有年莫謂願見永懷道德鑒寐良勤天與之幸
廼得以蔽政上累交承晤言之便僅止數月其為欣愜未易言喻
伏審簡自淵衷來撫民社師帥所臨旄倪胥抃何當趨就下風薄
叙慶尉瞻言千里徒倚不勝

竊自除月初下日欲為記室之賀屬僻左游宦簡稀不獲承問

都騎所寓用是竿牘亟為諫德所先雖高明無意苛禮然懈弛之咎何以自追也面謝猶稽伏增愧懼

某官以成均豪英蚤都美仕謂宜歷金門上玉堂為天朝之羽儀久矣州縣徒勞未快輿誦一同之選政恐難抑才刃匪伊嚴召徑踐清華區區蹄涔何足回翔也嚮風有素不敢輒佞

某來此適累政權攝而承以懦庸支弊扶顛幾不能勝幸連歲豐稔公私粗饒行且脫去又得明君子為之掩惡已傷之錦完於敏手此情欣賴未易量也

與知縣小簡

薄寒伏惟尊候連止萬福某承乏無補未期會面敢望以人自愛以前召擢

使至伏承問字感慰并劇且審比日撫字心勞政事有暇尊俎文字其樂無涯相望懸絕引領拳拳

寄示屬文三冊燦若珠玉磊磊盈紙賞歎不覺寒家之具富也

珍感珍感

忝幸同年不自知其不肖輒以賢者才德治狀薦聞雖曰僭冒庶竊知賢之義自以為榮耳

弟姪親戚寄治所儻明政能使之循理不擾縣道猶賢於息德也至祝至祝

罪戾之餘西來無補正合汰黜誤恩俄遷重有皇懼同年宜有以補過而長牋作賀豈所且乎仰承高誼不勝反側

惡詩誤被之石以彰其謬慚皇慚皇牋紙分餉殊荷故人戀戀之意其物聊奉篋笥非為報也

聖宋名賢五百家播芳大全文粹卷第五十二

劄子 四六

賀左丞相書成轉官劄子

熊子復

伏審勅成鉅典褒進崇階增光慈禁之謨益重元台之望竊以成周之盛祚蓋錫於万年大漢之隆統爰接於千歲欲紹開魏蕩二之烈當纂爲灝二之書恭惟某官曠代鍾才際空蘊識燮和帝載乾坤已致於清夷粉澤皇猷河雒遂彰於經緯公逖聆寵渥阻列慶班意第極於欣愉辭曷殫於頌歎

賀右丞相書成轉官劄子

伏審勅成鉅典超進華資聖治益光宰廷增重竊以方策有文武之政寔啓佑於後人春秋无游夏之辭旨折衷於夫子茲續累朝之會要寔資一代之耆英共惟某官毓粹自天研幾于聖稷契自比已恢相業之崇姚姒上規更翼聖謨之煥公逖傳寵渥阻列慶班猥陳拙訥之辭曷極欣愉之意

賀蔣丞相免起復劄子

伏審星傳繼催必圖共政露章疊懇姑免奪情雖光簡冊之書甚鬱華夷之望共惟某官壯猶奕世丕業亮天不得臯陶爲舜之愛方需同德罔俾阿衡專商之美更邁昔賢公夙荷洪鈞阻趨崇仍依歸愈切頌嘆奚窮

賀丞相生日劄子

伏以傳說之用若霖雨方宏濟於邦圖吉甫之作如清風式顯揚於相業共值生申之旦猥陳頌魯之章共惟某官緼藉真儒規摹良弼識洞三才之奧謀周萬務之幾蓋天爲生賢首贊重熙之運而陽常居夏載臨初度之辰瑞色齊於泰階歡声徧於寰宇人若存兮去之五百歲聖賢已契於心傳王曰公其以予億年君相共綏於眉壽

謝洪相寄先正忠宣公集劄子

伏以新緘特貺先集併貽披五采郇公之雲擁萬丈杜陵之色三

復而誦十襲以藏共惟 某官間世傑才爽邦卓識悼賢父蚤持
於使節忠本朝之厄於虜庭周大夫過故都而彷徨嘗激黍離之
作漢大史次舊聞而流涕廼參石室之傳某茲捧成編猶獲至寶
在則有神物而護既散夢得之詩光則與日月而爭尤慕屈原之
賦

被召謝丞相劄子

猥領將輪薦著涓塵之效謨膺收召悉緣陶冶之私即奔命於道
塗預貢誠於竿牘伏念公觀風七聚閱歲再暮非才既賴於幘幪
苟祿遂逃於沙汰自陳滿秩妄祈嚴劄之憐豈意異恩遽被鋒
車之趣危衷倍激大造安酬此蓋伏遇 某官一代真儒兩朝元
老獨兼三公之事方懋經綸下遂万物之宜咸資塊土有如踈迹
未忍棄捐望泰階之六符即容趨進播洪鈞之一氣尚冀曲成

賀漕使被召劄子

伏審鋒車外趣黼宸前咨蓋方佇於對揚豈尚容於控避恭惟歡
慶某受知特厚贊喜尤深側聽除首繼馳賀牘

賀漕使新命并子及第劄子

伏審疏寵宸廷將翰鄉部摺紳聳動原隰增光共惟 某官典刑
老成禮樂先進莅官五紀凜不変於寒松劄子一經荐高攀於月
桂夙垂睿想特畀漕權公晚出鄉邦猥居臺幕望塵修敬即迎
大使之車灑翰投誠預貢小夫之牘

賀人召試入館

伏審射策北門衆驚高妙校文東觀初躡清華瑰望日隆輿情風
靡伏惟歡慶公受知最厚贊喜殊深頌歎徒勤拙訥難及

賀人召試入館

伏審射策北門紬書東觀天將大任道可前知恭惟 某官縕藉
淳深規摹閱遠鳳千仞而翔下馬千古而洗空摘宋艷薰班香兼
收於衆作短劉墻闕賈壘連中於兩科蔚有令名播於昭代果
自谷臺之列音同冊府之遊集賢如堵墻鄉共驚於摘藻翰林

過華蓋行獨妙於演綸夫豈私期是爲公望其愚雖自守老亦何堪引方丈之舡已回於渤海登天台之陸度望於蓬萊

疊幅劄子

與安撫劄子

伏以冬序凝寒共惟某官鎮撫豐暇神明協相台候動止萬福某遠託恩庇未繇參覲伏冀爲國自重

某遠去旌幢于茲累年下情傾仰无物以喻一行作吏救過不暇追數初心每用慨嘆何當躬詣帳下尺布此懷臨書重增悵望其昔歲病卧山中伏聞登壇受鉞之寵扶憊占辭因一叟兵爲慶迄今不返其浮沉殆不可保比遣使臣護綱至鄂渚再上記頌詳悉伏計已塵台几感念恩義有不能忘者不在書疏之疎密尔尚幸孚照

其偶以宣威之徽分校特奏名進士于成都用四十日始得歸中途下拜因求康所賜台翰跪坐以讀恩意慈祥寒屋爲暖薄莫

五、五十一

方五十一

就道傍僧舍取火作記未謝万一益深感愧之至

某資中方報代已蒙朝廷記錄繼下沈黎之命顧何以得此不敢忘所自也重增感愧然某衰病益侵行挂衣冠神武門下與草木同腐矣平生相知如公无幾輒布苦懷臨書悽斷台眷上下均慶東蜀有役願受令

與安撫劄子

伏以春序漸暄恭惟某官坐鎮豐暇神明協相台候万福某遠託恩庇未由參觀伏覲爲國以道自重

不審寢興比復何如均逸名藩上所卷行朝夕不忘行膺褒詔榮歸禁林尚祈珍番以副大夫士之望幸甚

某已遣孳累歸墓舍止留一影東裝待成公私紛冗不暇亦聞吾丈目疾未平不敢以牋記塵觀覽區區懷仰與日增劇无從一詣帳下臨書但有馳向

某不肖獲待罪士鄉踰年惡則有之善不聞也行以理去仰佩保

全窮塗晚節之恩大不可言輒具啟伸謝伏幸台照

上安撫丞相劄子

伏以時維季夏熾以景炎共惟某官鎮撫春容黃堂靖謚神示左右鈞候動止万福某三沐三薰謹裁承訥仰干典籤伏乞鈞察某謹時申候已具甲牘拜手敬詞邇日鈞用之詳仰惟浩然之氣上際下蟠靈府虛明百嘉來會庚暑正隆敢乞居法天運增茲寢羞仰符九重眷注之隆俯徇四海具瞻之望

某官以宗工鉅儒經綸素業贊表黼衣勤勞王家弼成至治宸眷益隆暫茲均逸侯藩化行俗美列城如在和氣中元元扣首抑何幸欤第恐紫詔從歸朝夕左右以康濟天下非一邦獨私大惠蒼生實延頸以俟

某疎迹庸微邈在下僚仰視天府潭々何啻雲壤昨者不自量分僭貢竿牘玷泆輿隸之聽逮茲復拜緘封盖以懷感德誼殫布烟幅不敢自後冒犯之愆仰覩原貸

上安撫樞密劄子

伏以孟秋謹月敬惟人官偃藩優暇列城晏肅盖載薦薦休鈞候動止万福人僭貢支邑仰承蔭懋尚稽瞻拜復約謹具承訥申塵記府伏乞鈞察

申候茵鼎之儀恪布左方邇日不審鈞用何似諒惟玉節光華號令整暇神之聽之福祉駢集更斷慈調視履宜節兩賜仰符當宁倚注之隆俯徇四海具瞻之切

某官員間世之才茂經邦之略望隆王佐名冠時髦用能賦政樞庭納忠文陛暫辭清禁卧鎮全閩雖摠列郡而承教條恐惠一方而遺天下佇膺召節入拜制麻式符虛左之求永播外中之喜愚非諛貢允屬師言

迹遠鈞儀荐更晦朔雖依歸慕仰之心靡日不在屏息而恪遵教戒勉守微職恨无可假以造府庭惟幸日竊二天之覆首追瞻環欽戴抃荷實無異親侍焚席也毫楮縷々莫罄卑悃

上總領劄子

伏以露往霜來共惟公官坐總賦輿四道蒙惠神明所相台候動
止万福公奉記候諸侍吏

迹且不審台用何以天地已肅道路无復埃氛按節徐行當无甚
勞况君子射備四時之和豈畏偃薄也其如養性怡神亦不可忽
不勝拳二之請

節下周旋於行都英俊之林久矣今之登席堂者皆其守夷豈容
一時名流尚在外服想皆懷想高標日佇還朝也

當今九德之朝正須通儒博洽者居之豈謂兩煩持節以臨輓輸
煩劇之地議者皆曰不滿也殆是未知通儒无適不可耳因朝大用
者試之必詳公其自此期期要路也它日要獲知公名言

平日企德懷風常恨集处不諧今幸同部而又不可時至拜節之
臺固已恨二自聞畫景自富萬益昌相拉亦遠豈勝悵然尚冀音介
時來慰履之實見此馳心

上憲使劄子

伏以潤夏謹月恭惟公官綉斧載臨憲網清肅列城風聲神示贊
襄台候動以万福公竊食无補仰承陰樾未繇參侍謹具劄目
申塵典記伏冀台察

候問月儀恪載前幅未審迹及台候復奚若緬惟礼樂光華平
反有相戢穀之來川至雲委伏暑者正熾敢祝勉承眷渥厚衛在獲食
行膺顯拜垂尉卑崇之願

恭審公官榮拜辰恩肅將使指消日之剛肇開臺府伏惟驩
慶公以官箴有守阻趨崇仞輒藉毫楮以伸抵賀之誠伏惟台
慈曲垂矜亮

其官負間世之才茂經邦之略飛聲騰實久結主知暫屈外臺祥
刑之寄登攬方初峻褒崇秩耆倚有加茲可既卜區區閩陬詎能
久淹一歲九遷此其首途也誦詠之深實非私臆

庸繆竊邑伏承軺車按臨迎謁道左恐悚甚負道德寬洪海

七
七
七

涵淵蓄非惟曠敗之責猥辱少違從容延接非所宜蒙感悚之私
交積方寸俯伏陳露莫究欲言

某踈遠下吏瞻望台躔有雲霄之邈資綠竊粟叨屬部封玉
節鼎來幸侍炎煌之座適去亦心慕神爽飛越所賴託庇二天之
下尸官鹿鹿必蒙終始貸宥人雖天資不穎亦當痛加磨勵祈効
補報万一故又此誠仰冀台察

某不避冒瀆之罪僭申台閑德聚安問伏惟履復茲庚伏尊幼駢介
尾鴻之祉屬邑豈无可以驅策事件拱聽要束人傾禱

上憲使劄子

伏以秋用仲琯共惟公官繡斧光華臺綱靖謚神示蒼莧表台候
動止万福公承乏下邑仰承陰樾未由登侍謹具劄冒塵溷記史
伏乞台察

偵候或嚴具如右削未審比辰台候復奚似仰推玉節所臨吏民
畏戴神之德之來介繫祉更乞上射眷隆妙毓神觀晉膺柄用尉

天下朝夕之望

其官踐履醇粹度越當今文字問洪深追配前古坐于廟朝致君
澤民蓋將不動声色外臺祥刑之寄雖曰全閩涵泳仁惠恐重
一方而遺天下簡注已久佇聆環召鼎來入拜制麻垂副公論
疏遠无似拜邀台光存更悔朔日竊洪陰四守微職瞻望天府邈
在雲漢自顧分守有等不敢頻貢柔函上洩威重惟依歸仰慕之
心無日少替伏惟薰慈曲垂照卹

某屬邑下吏猥有驅策峻行約束貶損道德謙墜台翰非所宜
蒙拜賜之寵感忤不容于心區之毫楮莫究謝臆

上太守劄子

馮當可

某蹭蹬之跡竄伏田畝殆二十年而得竊食蓬山驅馳之官未
及弛擔已被黜逐自是益知賦分蹇薄誓入深山與田夫野人雜
處以待老死迹者又蒙諸公憐念俾承乏邊壘恩德甚大然某
幽棲之志已成伏臘之計已足諸公憐恤之恩反爲山林曠寂之

之擾矣到官便丐祠祿計不出初秋必遂解紱以去未即啓奉實
勤向仰惟幾為時調節齒鼎鼎以係四海顛_二之望

仰惟台座從容禁近忠言嘉謨所以裨益宗社大計无愧前哲凡
所論奏措紳傳誦_一雖在山林頗聞一二竊為吾黨賀矣蜀西
南輿壤人材生於其間_二見於竹帛者世不乏人而台座仁義
積蓄於中猷為著見於外以是進退誠可以繼前人之雅踐為後
季之賢規此_一所以欣躍而贊誦者也伏承消吉塞惟已諧開府
伏審即日為况无不佳勝台座以隆重之望侍從之貴俯臨鄉郡
想見一笑一嚔无非豈弟之澤未召還間或上章丐閑優游林野
以須旌車之召以全出处之節在台座可謂綽_二有餘地矣_一豈
勝歎慕之情

某往者備負万州南浦縣令台座還自東南南天与厚幸邂逅獲識
英表自此夤緣雅辱眷照殆二十年矣杜門窮居人事廢絕所
以声聞姓名不至記史已深愧負至於台座入踐華貴声光輝赫
某猶不敢以尺牘溷浼者實以台座知識布满海内蜀之朋從親
舊比比皆是孰不仰下風而望餘澤者_一一意田畝无所希求不
敢復自贊其困窮與諸人雜陳於聽覽見重為煩溷仰惟高明必
能深賜躡照

上王帥劄子

馮當可

某竄伏草茅於台座初无一日之雅猥以虛疎過蒙知遇茲者年
里趨瞻若无一言備芻蕘之詢殆非門下所以深知之意_一切見
台座决遣兵民之務明敏如神初不妨間燕无廢嘯歌惟盛德謙
尊凡應接賓客待遇僚吏過為委曲優厚由是政事之際略无閉
閣清暇之際夫用約則心靜心靜則神生然後慮遠而見微且全
蜀大計甲兵財用雖非全寄於台座而保固根本弥縫間隙使主
財用者有所賦取主甲兵者有所仰給如主饒客如母乳子則所
係在台座者亦既甚重而其間事機有藏於冥_一非但耳目之所
常接朝夕之所常行者便為保蜀之樞要也惟備常礼以隆安際

使禮簡而情親委細務以屬賓僚使躰大而綱卒然後以靜制動而常靜以安圖危而常安易之係辭有曰精義入神以致用古之聖賢立事建功悉本諸此伏惟少賜留神幸甚

上太師詩文劄子

某具申稟日恭想已徹鈞几華年災厄瀕於死所遇病悸少定向能用意翰墨事與其藉手以見古人之豈如獻之師席亦足以知名人雖廢而志不敢廢庶幾無負平生教載獎與之恩有詩文各一通謹致帳下公干冒鈞嚴无任震懼之至

上大觀文詩文劄子

某先申稟日伏想已開記室之下公病悸呻吟中獨未廢必硯輒以詩文一通塵汗鈞几大政之暇一賜覽觀尚以為可教則公不但用以藉手見古人矣无任愧懼依歸之誠

畫一稟目

上都運使目

劉夷叔

一秋氣澄清不審公官即日口候何似

一某仰惟恩府恭儉之資清和之氣神明所加為福星照臨分野戩穀之相不待禱祠而來矣

一某遠去左右倏經九夏雖山河脩阻而眷恋門墻之篤夢寐以之

一頃者恩府初度之月公常申祝延之意發為歌頌馳介以贊其惟謙抑過自貶損不見收納區區无能自通情之殞越无以爲諭

一某羈窮流離之迹固嘗陳於執事者之聽不待申說而見近者劉棣之歸首言先生所以要慰調護之意甚悉先生於人舊而日深士是以附公嘗論之士大夫間以為寬鄙躬薄端在乎此今誠不敢私自為幸請為門下之士賀之

一僭易有說南平之次正有二年一日罷此如魚脫網是時必將赴訴門下仰干調護然而重見煩瀆又須少勞神觀誠蒙門下

始終憂恤願令見安於此稍近闕赴官之日其為恩紀當有可報
糜捐以之

一仰惟盛德方興闔門長幼宜均備福

一區々敢乞驅策一一以見報效之意

一么未參侍間仰乞為國為民善自保重以須大用

